

四庫全書

史部

# 欽定四庫全書

史部

遼史卷三十一至五

詳校官庶吉士臣龍廷槐

給事中臣查善長覆勘

總校官編修臣朱鈐

校對官編修臣祁韻士

謄錄監生臣李情

蘇軾詩集卷之十一

在火卷之十一

元中書右丞周總裁托克托等修

志第一

增衛志上

上古之世草衣木食巢居穴處熙熙于于不求不爭爰  
自炎帝攻袁蚩尤作亂始制干戈以毒天下軒轅氏作  
戕之涿鹿之阿處則象吻于宮行則懸旌于纛以為天

下萬世戒於是師兵營衛不得不設矣冀州以南歷洪水之變夏后始制城郭其入土著而居綏服之中外奮武衛內揆文教守在四邊營衛之設以備非常而已并營以北勁風多寒隨陽遷徙歲無寧居曠土萬里寇盜乘隙而作營衛之設以為常然其勢然也有遼始大設制尤密居有宮衛謂之鄂爾多出有行營謂之巴納分鎮邊圉謂之部族有事則以攻戰為務閒暇則以畋漁為生無日不營無在不衛立國規模莫重於此作營衛志

## 宮衛

遼國之法天子踐位置宮衛分州縣折部族設官府籍戶口備兵馬崩則扈從后妃宮帳以奉陵寢有調發則丁壯從戎事老弱居守太祖曰弘義宮應天皇后曰長寧宮太宗曰永興宮世宗曰積慶宮穆宗曰延昌宮景宗曰彰愍宮承天太后曰崇德宮聖宗曰興聖宮興宗曰延慶宮道宗曰太和宮天祚曰永昌宮又孝文皇太子有敦睦宮丞相耶律隆運有文忠王府凡州三十八

縣十提轄司四十一錫林二十三斡里七十四摩哩九  
十八德里二扎薩克十九為正戶八萬番漢轉戶十二  
萬三千共二十萬三千戶

蘓幹延鄂爾多太祖置國語心腹曰蘓幹延宮曰鄂爾  
多是為弘義宮以心腹之衛置益以渤海俘錦州戶其  
鄂爾多在臨潢府陵寢在祖州東南二十里正戶八千

番漢轉戶七千出騎軍六千

史文詭外詳後考證下  
史伊囉幹各條倣此

州五錦祖嚴祺銀

縣一富義

提轄司四南京西京奉聖州平州

錫林二曰舒曰蕪嚕克

幹里四曰赫伯曰達薩曰默音曰呼心

摩哩四曰珊曰伊都曰呼圖克曰吉勒展

德里二曰寶壘北曰寶壘南

穀烏寧鄂爾多太宗置牧圍曰穀烏寧是為永興宮初  
名沽依鄂爾多以太祖平渤海俘戶東京懷州提轄司

及雲州懷仁縣澤州灤河縣等戶置其鄂爾多在伊庫  
河側陵寢在懷州南三十里正戶三千番漢轉戶七千  
出騎軍五千

州四懷黔開來

縣二保和灤河

提轄司四南京西京奉聖州平州

錫林一北孟古

幹里四曰茂曰烏曰哈喇齊曰寶壘



摩哩十三曰蕪爾展曰大格密曰小格密曰烏  
曰歸化布木曰唐古曰圖格曰伯爾克圖曰  
和掄布展曰伊綿布展曰珊曰青達曰索雲  
扎薩克七曰伯特部曰舒蕪曰錫庫爾濟曰赫  
貝巴納曰呼魯蕪曰耶律濟沙寶克曰賽音  
令公

伊囉幹鄂爾多世宗置興盛曰伊囉幹是為積慶宮以  
文獻皇帝衛從及太祖俘戶及雲州提轄司并高宜等

州戶置其鄂爾多在土河東陵寢在長寧宮北正戶五千番漢轉戶八千出騎軍八千

州三康顯宜

縣一山東

提轄司四

錫林一賓喇

幹里八曰達薩曰赫伯曰錫呼曰必老曰塔瑪

曰綽卜曰伊呼濟曰伊呼烏頁

摩哩十曰格斯齊曰莽阿曰濟里曰塔瑪圖曰  
楚勒罕曰薩哈廉溫曰達勒達曰伊瑪曰塔  
喇台曰孟古

富僧額鄂爾多應天皇帝太后置興隆曰富僧額是為長  
寧宮以遼州及海濱縣等力置其鄂爾多在高州陵寢  
在龍化州東一百里世宗分屬讓國皇帝宮院正戶七  
千番漢轉戶六千出騎軍五千

州四遼儀坤遼西顯

縣三奉先歸義定霸

提轄司四

錫林一北孟古

幹里六曰塔瑪曰赫伯曰達薩曰默音曰伊呼

濟曰罕扎

摩哩十三曰哈達阿林刷沃濟曰哈克綴必賚

達勒拜刷沃濟曰圖嚕勤奇曰納噶特齊曰

哈喇齊曰博勒和庫們曰阿嚕音達巴曰東

錫勒們曰西錫勒們曰東齊哩克曰西齊哩  
克曰達爾札曰瑪朗古

岱拉哈鄂爾多穆宗置是為延昌宮討平曰岱拉哈以  
穀烏寧鄂爾多戶及準布俘戶中京提轄司南京制置  
司咸信韓等州戶置其鄂爾多在嘉哩山南陵寢在京  
南正戶一千番漢轉戶三千出騎軍二千

州二遂韓

提轄司三中京南京平州

錫林一曰舒

幹里四曰茂古庫德曰鄂摩曰塔瑪曰哈喇齊  
摩哩四曰穆克德珂鄂摩曰特默齊鄂蘭曰息

州濟里曰摩該都爾蘓

嘉們鄂爾多景宗置是為彰愍宮遺留曰嘉們以章肅  
皇帝侍衛及武安州戶置其鄂爾多在赫魯河陵寢在  
祖州南正戶八千指漢轉戶一萬出騎軍一萬

州四永龍化降聖同

縣二行唐阜俗

提轄司四

錫林二曰嘉們曰南孟古

幹里兀曰塔瑪曰實喇曰威哈喇齊曰瑪雅喀  
曰特默曰烏頁曰穆爾哈喇齊

摩哩十一曰額穆吉林刷沃濟曰察罕穆爾達

巴曰伊奇哩沃濟曰色克布展曰薩哈勒齊  
曰伊克扎木曰呼遜阿林曰布琨曰塔瑪曰

扎蘭曰徹辰郭勒

沽依鄂爾多承天太后置是為崇德宮王名曰沽以乾  
顯雙三州戶置其鄂爾多在土河東陵祔景宗皇帝正  
戶六千番漢轉戶一萬出騎軍一萬

州四乾川雙貴德

縣一潞

上京

提轄司三南京西京奉聖州

錫林三曰齊哩克曰帕克曰特哩台孟古



幹里七曰達薩曰伊里曰赫伯曰錫伯曰哈喇  
齊曰默音曰伊呼濟

摩哩十一曰教拉森濟實壘曰伊勒敦刷沃濟  
曰塔瑪曰伊蘭伊勒都堪阿拉曰伊克札木  
曰達爾札曰瑚琨曰袞曰色呼森曰阿掄哈  
斯郭勒曰特哩袞齊哩克

札薩克五曰古卜齊默爾根巴納曰達爾罕太  
保果齊喀曰卦安巴果齊喀曰賽音令公果

齊喀曰羅和令公果齊喀

孟古鄂爾多聖宗置是為興聖宮金曰孟古以鼓烏寧  
伊囉幹富僧額三鄂爾多戶置其鄂爾多在紐歡賀珍  
陵寢在慶州南安正戶一萬番漢轉戶二萬出騎軍五  
千

州五慶隰烏

上京

烏

東京

霸

提轄司四

錫林四曰浩沁孟古曰約沁諾色爾曰努爾特

哩台曰尼格巴爾

幹里六曰孟古富僧頗曰呼都克曰伊德曰旺

曰阿雅

摩哩九曰伊錫布展曰特古斯琨曰威哈喇齊

曰綽哈曰哈拉繖錫庫爾齊曰多托喇班錫

庫爾齊曰魯庫曰希斯曰都林

扎薩克五曰達林巴納曰和掄巴納曰卦安巴

覺禪曰聶爾都爾蘇曰保達古魯克齊

阿敦鄂爾多興宗置是為延慶宮孳息曰阿敦以諸鄂爾多及饒州戶置其鄂爾多在高州西陵寢在上京慶州正戶七千番漢轉戶一萬出騎軍一萬

州三饒長春泰

提轄司四

錫林二曰阿敦曰呼都克

幹里六曰阿敦曰薩巴曰薩曰扎里曰德里曰

教拉

摩哩六曰頗勒本曰雅蘓曰默色曰伊繖曰此

德里曰南德里

阿果鄂爾多道宗置是為太和宮寬大曰阿果以諸鄂  
爾多御前承應人及興中府戶置其鄂爾多在好水灤  
陵寢在上京慶州正戶一萬番漢轉戶二萬出騎軍一  
萬五千

錫林二曰阿蘓曰雅嚕

幹里八曰阿蘓曰雅嚕曰德里曰扎里曰薩布

曰呼都克曰富僧額曰哈里

摩哩七曰思州德和曰額森德勒曰額勒本曰  
特們曰庫爾都哩曰扎里曰額呀燕穆爾

阿掄鄂爾多天祚皇帝置是為永昌宮輔祐曰阿掄以  
諸鄂爾多御前承應人春宣州戶置正戶八千番漢轉  
戶一萬出騎軍一萬

錫林二曰阿掄曰但囉幹

幹里八曰阿魯威曰克哩頁曰呼圖克曰達喇

曰穆喇幹曰扎里曰圖嚕拉曰特默

摩哩八曰富僧額曰伊納克曰武都溫曰特們

曰穆喇幹曰伊特丹曰雲曰布圖巴

孝文皇太弟敦睦宮謂之學順德哩本鄂爾多孝曰學  
順德哩本文獻皇帝承應人及渤海俘建瀋巖三州戶  
置陵寢在祖州西南三十里正戶三千番漢轉戶五千  
出騎軍五千

州三建瀋巖

提轄司一南京

錫林二曰超曰伊都

幹里六曰伊遜曰德里曰錫里濟曰大塔瑪曰

小塔瑪曰伊都

摩哩二曰特默茂海曰婁寶克

扎薩克二曰聶呼巴納曰達蘭巴納

大丞相晉國王耶律隆運本韓氏名德讓以功賜國姓  
出宮籍隸橫帳季父房贈尚書令謚文忠無子以皇族



魏王特布子雅魯為嗣早卒天祚皇帝又以皇子頗魯  
溫繼之官給葬具建廟乾陵側擬諸宮例建文忠王府  
正戶五千番漢轉戶八千出騎軍一萬

州一

提轄司六上京中京南京西京奉聖州平州

著帳郎君

著帳郎君初約尼哈陶津汗以博果濟等三族害裕悅  
實魯籍沒家屬入斡里淳欽皇后宥之以為著帳郎君

世宗悉免後族戚世官犯罪者沒入

著帳戶

著帳戶本諸鄂爾多折出及諸罪沒入者凡承應寶達爾司藏鷹坊湯藥尚飲盥漱尚膳尚衣裁造等役及宮中親王祇從伶官之屬皆充之

凡諸宮衛人丁四十萬八千騎軍十萬一千著帳釋宥沒入隨時增損無常額

遼史卷三十一

欽定四庫全書

遼史卷三十二

元中書右丞相總裁托克托等修

志第二

營衛志中

行營

周官土圭之法日東景朝多風日北景長多寒天地之間風氣異宜人生其間各適其便王者因三才而節制

之長城以南多雨多暑其人耕稼以食桑麻以衣宮室以居城郭以治大漠之間多寒多風畜牧畋漁以食皮毛以衣轉徙隨時車馬爲家此天時地利所以限南北也遼國盡有大漠浸包長城之境因宜爲治秋冬遘寒春夏避暑隨水草就畋漁歲以爲常四時各有行在之所謂之巴納

春巴納

曰鴨子河濼皇帝正月上旬起牙帳約六十日方至

天鵝未至卓帳冰上鑿冰取魚冰泮乃縱鷹鵝捕鵝  
鴈晨出暮歸從事弋獵鴨子河梁東西二十里南北  
三十里在長春州東北三十五里四面皆沙塢多榆  
柳杏林皇帝每至侍御皆服墨綠色衣各備連鎚一  
柄鷹食一器刺鵝錐一枚於梁周圍相去各五七步  
排立皇帝冠巾衣時服繫玉束帶於上風望之有鵝  
之處舉旗探騎馳報遠泊鳴鼓鵝驚騰起左右圍騎  
皆舉幟麾之五坊擎進海東青鵝拜授皇帝放之鵝

擒鵠墜勢力不加排立近者舉錐刺鵠取腦以飼鵠  
救鵠人例賞銀絹皇帝得頭鵠薦廟羣臣各獻酒果  
舉樂更相酬酢致賀語皆挿鵠毛于首以爲樂賜從  
人酒遍散其毛弋獵網釣春盡乃還

夏巴納

無常所多在圖爾山道宗每歲先幸黑山拜聖宗興  
宗陵賞金蓮乃幸子河避暑圖爾山在黑山東北三  
百里近饅頭山黑山在慶州北十三里上有池池中

有金蓮子河在圖爾山東北三百里懷州西山有清涼殿亦爲行幸避暑之所四月中旬起牙帳卜吉地爲納涼所五月末旬六月上旬至居五旬與北南臣僚議國事暇日遊獵七月中旬乃去

### 秋巴納

曰伏虎林七月中旬自納涼處起牙帳入山射鹿及虎林在永州西北五十里嘗有虎據林傷害居民畜牧景宗領數騎獵馬虎伏草際戰慄不敢仰視上舍

之因號伏虎林每歲車駕至皇族而下分布灤水側  
伺夜將半鹿飲鹽水令獵人吹角效鹿鳴既集而射  
之謂之舐齧鹿又名呼鹿

冬巴納

曰廣平淀在永州東南三十里本名白馬淀東西二  
十餘里南北十餘里地甚坦夷四望皆沙磧木多榆  
柳其地饒沙冬月稍暖牙帳多於此坐冬與北南大  
臣會議國事時出校獵講武兼受南宋及諸國禮貢



皇帝牙帳以槍爲硬寨用毛繩連繫每槍下黑氈傘  
一以芘衛士風雪槍外小氈帳一層每帳五人各執  
兵仗爲禁圍南有省方殿殿北約二里曰壽寧殿皆  
木柱竹榱以氈爲蓋彩繪韜柱錦爲壁衣加緋繡額  
又以黃布繡龍爲地障牕楹皆以氈爲之傅以黃油  
絹基高尺餘兩廂廊廡亦以氈蓋無門戶省方殿北  
有鹿皮帳帳次北有八方公用殿壽寧殿北有長春  
帳衛以硬寨宮用契丹兵四千人每日輪番千人祇

直禁園外卓槍爲寨夜則拔槍移卓御寢帳周圍拒馬外設鋪傳鈴宿衛每歲四時周而復始

皇帝四時巡守契丹大小內外臣僚并應役次人及漢人宣徽院所管百司皆從漢人樞密院中書省唯摘宰相一員樞密院都副承旨二員令史十人中書令史一人御史臺大理寺選摘一人扈從每歲正月上旬車駕啟行宰相以下還於中京居守行遣漢人一切公事除拜官僚止行堂帖權差俟會議行在所取旨出給誥勅

文官縣令錄事以下更不奏聞聽中書銓選武官須奏  
聞五月納涼行在所南北臣僚會議十月坐冬行在所  
亦如之

部族上

部落曰部氏族曰族契丹故俗分地而居合族而處有  
族而部者五院六院之類是也有部而族者奚王室韋  
之類是也有部而不族者特哩特默實保哈準之類是  
也有族而不部者約尼九帳皇族三父房是也奇善八

部爲高麗蠕蠕所侵僅以萬口附于元魏生聚未幾北  
齊見侵掠男女十餘萬口繼爲突厥所逼寄處高麗不  
過萬家部落離散非復古八部矣別部有臣附突厥者  
內附于隋者依赫辰水而居部落漸衆分爲十部有地  
遼西五百餘里唐世達呼哩氏仍爲八部而松漠玄州  
別出亦十部也約尼氏承萬榮格圖胥散敗之餘更爲八  
部然約尼德呼勒別出又十部也蘓爾威汗析爲二十  
部契丹始大至遼太祖析九帳三房之族更列二十部

聖宗之世分置十有六增置十有八并舊爲五十四部  
內有巴哩伊蘓濟勒國舅族外有附庸十部氏族可知  
者略具皇族外戚二表餘五院六院伊實部止見裕爾  
庫薩里布聶呼威部止見薩里布聶呼圖魯卜圖吉部  
止見唐古爾杭愛皆兄弟也奚王府部希沙哲哩則臣  
主也不勒部有紐紐卓特部有幹其餘世系名字皆漫  
無所考矣舊志曰契丹之初草居野次靡有定所至聶  
呼始制部族各有分地太祖之興以德呼勒部強熾析

爲五院六院奚六部以下多因俘降而置勝兵甲者即著軍籍分隸諸路詳裒統軍招討司番居內地者歲時田牧平莽間邊防紕戶生生之資仰給畜牧績毛飲湏以爲衣食各安舊風徂習勞事不見紛華異物而遷故家給人足戎備整完卒之虎視四方強朝弱附東踰蟠木西越流沙莫不率服部族寔爲之爪牙云

古八部

錫萬丹部

赫特赫部

佛佛頁部

裕嚕部

錫琳部

博恰部

理部

圖嚕部

契丹之先曰奇善汗生八子其後族屬漸盛分爲八

部居于松漠之間今永州木葉山有契丹始祖廟奇  
善汗克敦併八子像皆在焉潢河之西土河之北奇  
善汗故壤也

隋契丹十部

元魏末美佛赫烏雲畏高麗蠕蠕侵逼率車三千乘  
衆萬口內附乃去奇善汗故壤居于白狼水東北齊  
文宣帝自平州三道來侵虜男女十餘萬口分置諸  
州又爲突厥所逼以萬家寄處高麗境內隋開皇四



年諸美佛赫悉衆款塞聽居白狼故地又別部寄處  
高麗者曰楚布等內附詔置克實克囊嘉特之北又  
別部臣附突厥者四千餘戶來降詔給糧遣還固辭  
不去部落漸衆徙逐水草依赫辰水而居在遼西正  
北二百里其地東西五百里南北三百里分爲十  
部逸其名

唐達呼哩氏八部

德濟部峭落州

赫伯部彈汗州

都呼部無逢州

芳阿部羽陵州

圖勒彬部日連州

芮奚部徒河州

卓津部萬丹州

富部州二匹黎赤山

唐太宗置玄州以契丹大帥珠奇爲刺史又置松漠

都督府以庫克爲都督分八部并玄州爲十州則十部在其中矣

約尼氏八部

達爾扎部

伊斯琿部

舍琿部

諾爾威部

頗摩部

訥古濟部

濟勒勤部

實衮部

唐開元天寶間達呼哩氏既微遼始祖聶哱立達年  
扎里為蘇爾威汗時契丹因萬榮之敗部落凋散即  
故有族衆分為八部聶哱所統德哱勒部自為別部  
不與其列并約尼德哱勒亦十部也

約尼蘓爾威汗二十部

耶律七部

舒敏五部

八部

曷哷相蘓爾威汗分三耶律爲七二舒敏爲五并前  
八部爲二十部三耶律一曰達呼哩二曰約尼三曰  
錫里皇族也二舒敏一曰伊蘓濟勒二曰巴哩國舅  
也其分部不詳可知者曰德哷勒曰伊實曰丕勒曰  
卓特曰威曰圖魯卜曰納喇曰圖吉又有右大部左

大部凡十逸其二達呼哩約尼析爲六而錫里合爲  
一茲所以德呼勒部終約尼之世強不可制云

遼史卷三十二

遼史卷三十二考證

有部而不族者特哩特默實保哈準是也 按哈準本志下卷及兵衛百官志俱作遏朮此復作葛朮今併改

納喇威部 按納喇威原本作涅刺烏古本志下卷威部之先曰薩里布納喇部之先曰聶哱威舊作烏隗原本烏隗作烏古與下卷不合係訛斜若烏爾古納喇部舊作烏古涅刺部者別爲一部與此迥異未可

牽合今據改

遼史卷三十二考證



欽定四庫全書

遼史卷三十三

元中書右丞相總裁托克托等修

志第三

營衛志下

部族下

遼起松漠經營撫納竟有唐晉帝王之器典章文物施及潢海之區作史者尚可以故俗語耶舊史有部族志

歷代之所無也古者巡守于方岳五服之君各述其職  
遼之部族實似之故以部族置宮衛行營之後云

遼內四部族

約尼九帳族

橫帳三父房族

國舅帳巴哩伊蘓濟勒族

國舅部族

太祖二十部二國舅升帳分止十八部

五院部其先曰裕爾庫凡六營蘓爾威汗時與弟薩里布領之曰德呼勒部傳至太祖以額爾奇木即位天贊元年以彊大難制析五錫林爲五院六昭爲六院各置額爾奇木會同元年更額爾奇木爲大王部隸北府以鎮南境大王及都監春夏居五院部之側秋居羊門甸錫林四

大密古錫林

小密古錫林

諤爾琨錫林會同二年以烏爾古之地水草豐美  
命居之三年益以哈里水之地爲農田

伊實巴勒錫林會同二年命居烏爾古之地

六院部隸北府以鎮南境其大王及都監春夏居泰  
德泉之北秋冬居都爾嘉錫林四

薩蘭錫林

阿克蘇錫林

烏納巴錫林

烏訥爾錫林會同二年命居烏爾古三年益以哈

里水地

伊實部其先曰薩里布蘓爾威汗時與其兄裕爾庫  
分營領之曰伊實部會同元年更額爾奇木爲大王  
隸南府其大王及都監鎮駐西南之境司徒居鴛鴦  
泊扎薩克轄居車軸山錫林二

阿勒坦錫林

裕珠錫林

丕勒部其先曰紐紐蘓爾威汗以其營爲部太祖更諸部額爾奇木爲令公統和中改節度使隸北府屬西北路招討司司徒居太子墳凡戍軍隸節度使留後戶隸司徒錫林二

北哲爾吉錫林

南薩蘭錫林

卓特部其先曰幹蘓爾威汗以其營爲部隸南府節度使屬西北路招討司司徒居柏坡山及鐸山之側

錫林二

北錫林

南錫林

威部其先曰薩里布與其兄聶呼同營蘓爾威汗之  
世析爲二薩里布爲威部聶呼爲納喇部俱隸北府  
其威部節度使屬東北路招討司司徒居蘓默山浩  
里河之側錫林二

北錫林

南錫林

納喇部其先曰聶哱蘓嚕威汗分其營爲部節度使  
屬西南路招討司居黑山北司徒居浩里河側錫林

二

北塔喇錫林

南察喇錫林

圖魯卜部其先曰唐古爾領三營蘓爾威汗命分其  
一與弟杭愛爲圖吉部唐古爾得其二更爲圖魯卜



部隸北府節度使屬西北路招討司司徒居長春州

西錫林二

北托卜錫林

南舒錫林

圖吉部其先曰杭愛蘓爾威汗分營置部隸南府戍  
於威烏爾古部司徒居冗泉側錫林二

北錫林

南錫林

奚王府六部五帳分其先曰希沙事東約囉十帳部  
主哲哩後逐哲哩自立爲奚王卒弟圖嚕森立約尼  
森濟汗討之俘其拒敵者凡七百戶撫其降者以希  
沙鄰睦之故止俘部曲之半餘悉留焉奚勢由是衰  
矣初爲五部曰約囉曰伯特曰敖拉曰美嘉曰綽囉  
太祖盡降之號五部奚天贊二年有東巴爾斯呼遜  
者恃險堅壁於箭筈山以拒命柳揄曰大軍何能爲  
我當飲托輝門下矣太祖滅之以奚府給役戶併括

諸部穩丁收合流散置托輝部因托輝門之語爲名  
遂號六部奚命布倫主之仍號爲奚王太宗即位置  
宰相詳袞各二員聖宗合教拉美嘉托輝三部爲一  
特置二剋部以足六部之數奚王和碩鼐討烏舍敗  
績籍六部隸北府

圖魯卜室韋部本名大小二黃室韋戶太祖爲塔瑪  
噶賽特以計降之乃置爲二部隸北府節度使屬東  
北路統軍司戍泰州東北

納喇諾觀部與圖魯卜室韋部同節度使戍泰州東  
德呼勒達勒達部本森濟汗所俘奚七百戶太祖立  
以爲十四錫林置爲部隸南府節度使屬西南路招  
討司戍黑山北部民居慶州南

伊實阿爾威部神冊六年太祖以所俘奚戶置隸南  
府節度使屬東路兵馬司

卓特阿爾威部太祖以奚戶置隸南府節度使屬東  
京都部署司

丕勒達嚕噶部太祖以所俘達嚕噶部置隸南府節度使屬西南路招討司戍黑山北

烏爾古納喇部亦曰納哩部太祖取裕庫呼戶六千神冊六年析爲烏爾古納喇及圖嚕二部俱隸北府節度使屬西南路招討司

圖嚕部節度使屬東北路統軍司

已上太祖以約尼氏舊部族分置者

凡十部增置者八

聖宗三十四部

薩拉噶部奚有三營曰薩拉噶曰揚結曰諾延昭太祖伐奚乞降爲著帳子弟籍于宮分皆設額爾奇木聖宗各置爲部改設節度使皆隸南府以備畋獵之役居澤州東

揚結部與薩拉噶部同居澤州南

諾延昭部節度使屬東京都部署司

鄂博庫部與薩拉噶三部同居望雲縣東

特哩特默部初於八部各析二十戶以戍奚偵候落  
馬河及蘓嚕克河側置二十詳袞聖宗以戶口蕃息  
置部設節度使隸南府戍倒塌嶺居橐駝岡

實保部初取諸宮及橫帳大族奴隸置實保錫林實  
保鷹坊也居遼水東掌羅捕飛鳥聖宗以戶口蕃息  
置部節度使屬東京都部署司

哈準部初取諸宮及橫帳大族奴隸置哈準錫林哈  
準鐵也以治于海濱柳濕河賽音楚古爾蘓手山聖

宗以戶口蕃息置部屬東京都部署司

約囉部居潭利二州間錫林三

色勒必錫林

北錫林

塔魯錫林

伯特部松山平州之間太師太保居中京西錫林六

卓羅錫林

蘓庫錫林



塔納錫林

德呼勒錫林

實爾圖錫林

約囉錫林

綽囉部居潭州北

敖拉部統和十二年以與美嘉托輝三部民籍數寡  
合爲一部并上三部本屬奚王府聖宗分置

南尅部

北尅部統和二年以奚府二尅分置二部

烏延突厥部聖宗析四布沙四巴拜戶置以鎮東北  
女直之境開泰九年節度使奏請置錫林隸北府屬  
黃龍府都部署司

阿雅突厥部與烏延突厥同

納喇裕爾庫部以納喇室韋戶置隸北府節度使屬  
西南面招討司戍黑山北

阿雅女直部聖宗以女直戶置隸北府節度使屬西

北招討司戍鎮州境自北至河西部皆俘獲諸國之  
民初隸諸宮戶口蕃息置部訖於五國皆有節度使  
伊德女直部聖宗以女直戶置隸南府居高州北  
額圖琿烏爾古部聖宗以烏爾古戶置隸南府節度  
使屬西南面招討司戍黑山北

達魯德呼勒部聖宗以德呼勒戶置隸北府節度使  
屬烏爾古德呼勒統軍司

室韋部聖宗以室韋戶置節度使屬西北路招討司

珠展達嚕噶部聖宗以達嚕噶戶置隸北府節度使屬東北路統軍司戍境內居境外

默古斯部聖宗以唐古戶置隸北府節度使屬西南而招討司

吉達部聖宗以唐古戶置隸北府節度使屬西南面招討司

北德噶勒部聖宗以德噶勒戶置戍威烏爾古部

鼎奇特唐古部聖宗置隸北府節度使屬西南面招

討司

北唐古部聖宗以唐古戶置隸北府節度使屬黃龍府都部署司戍府南

南唐古部聖宗置隸北府

和拉唐古部與南唐古同節度使屬西南面招討司河西部聖宗置隸北府節度使屬東北路統軍司

色克圖部開泰四年以回鶻戶置隸北府居慈仁縣北

巴爾斯布古德部本布古德戶初隸諸宮聖宗以戶口蕃息置部隸北府節度使屬東北路統軍司戍境內居境外

塔瑪布古德部聖宗以布古德戶置隸南府節度使屬東北路統軍司

五國部博和哩國彭諾爾國鄂羅木國伊埒圖國伊呼濟國聖宗時來附命居本土以鎮東北境屬黃龍府都部署司重熙六年以伊呼濟國人星哈等訴酋

帥瑋春貪污罷五國酋帥設節度使以領之

已上聖宗以舊部族置者十六增置十八

遼國外十部

烏爾古部

德呼勒八部

威古特部

輝發部

葉穆部

溫圖琿部

特爾格部

回鶻部

長白山部

博羅滿達勒部

右十部不能成國附庸於遼時叛時服各有職貢猶唐人之有羈縻州也

遼史卷三十三



遼史卷三十三考證 營衛志下

會同二年命居烏爾古之地 居原本作以按太宗本  
紀會同二年以烏爾古部水草肥美詔北南院徙三  
戶居之伊實巴勒其一也今據改

會同元年更額爾奇木爲大王 會同元年原本作二  
年按太宗本紀升北南院及伊實部額爾奇木爲王  
係元年事今據改

統和中又改節度使隸北府屬西北路招討司 按兵

衛志丕勒部隸南府屬西南路招討司此志互異或  
其未改節度使時本屬南府兵衛志所載則從其初  
也

天贊二年有東巴爾斯呼遜者拒命太祖滅之 天贊  
二年原本作八年按太祖本紀天贊祇四年無八年  
滅呼遜置托輝部係二年事今據改

德呼勒達勒達部 原本作迭剌迭達部按兵衛志又  
作迭達迭剌部今併改

揚結部 原本作窈介他卷又作窈爪今併改

珠展達嚕噶部 原本作朮哲達魯號按兵衛志作朮

者達魯號今併改

南唐古部聖宗置隸北府 按兵衛志南唐古部附在

南府與此互異

巴爾斯布古德部 布古德原本作鼻骨德兵衛志作

鼻古德百官志又作鼻骨無德字今併改

遼史卷三十三考證

欽定四庫全書

遼史卷三十四

元中書右丞相總裁托克托等修

志第四

兵衛志上

軒轅氏合符東海邑于涿鹿之阿遷徙往來無常處以  
兵爲營衛飛狐以北無慮以東西暨流沙四戰之地聖  
人猶不免於兵衛地勢然耳遼國左都遼海右邑涿鹿

兵力莫彊焉其在隋世依赫辰水而居分爲十部兵多者三千少者千餘順寒暑逐水草畜牧侵伐則十部相與議興兵致役合契而後動獵則部得自行至唐達呼哩氏勝兵四萬三千人分八部達呼哩氏衰僅存五部有耶律曷咄者分五部爲八立二府以總之析三耶律氏爲七二舒敏氏爲五凡二十部刻木爲契政令大行遜不有國立約尼氏代達呼哩氏兵力益振即太祖六世祖也及太祖會李克用于雲中以兵三十萬盛矣約

尼伊蘭汗十年歲辛酉太祖授鉞專征破室韋伊濟奚  
三國俘獲廬帳不可勝紀十月授大德噶勒府額爾奇  
木明賞罰繕甲兵休息民庶滋蕃羣牧務在戢兵十一  
年總兵四十萬伐代北克郡縣九俘九萬五千口十二  
年德祖討奚俘七千戶十五年約尼氏汗卒遺命遜位  
于太祖太祖即位五年討西奚東奚悉平之盡有奚霄  
之衆六年春親征幽州東西旌旗相望亘數百里所經  
郡縣望風皆下俘獲甚衆振旅而還秋親征巴延國俘

獲數萬計神冊元年親征突厥托歡党項小番沙陀諸  
部俘戶一萬五千六百攻振武乘勝而東攻蔚新武嬀  
儒五州俘獲不可勝紀斬不從命者萬四千七百級盡  
有代北河曲陰山之衆遂取山北八軍四年親征裕庫  
呼國俘獲一萬四千二百口五年征党項俘獲三千六  
百口攻天德軍拔十有二柵徙其民六年出居庸關分  
兵掠檀順等州安遠軍三河良鄉望都潞滿城遂城等  
縣俘其民徙內地皇太子掠定州俘獲甚衆天贊元年



以戶口滋繁輒踈遠分北達寧額爲二部立兩節度以統之三年西征党項等國俘獲不可勝紀四年又親征渤海天顯元年滅渤海國地方五千里兵數十萬五京十五府六十二州盡有其衆契丹益大會同初太宗滅唐立晉晉獻燕代十六州民衆兵彊莫之能禦矣

### 兵制

遼國兵制凡民年十五以上五十以下隸兵籍每正軍一名馬三匹打草穀守營鋪家丁各一人人鐵甲九事

馬韉轡馬甲皮鐵視其力弓四箭四百長短鎗鎗錄斧  
鐵旗鋌錐火刀石馬盂粉一斗粉袋搭鈎羶傘各一縻  
馬繩二百尺皆自備人馬不給糧草日遣打草穀騎四  
出抄掠以供之鑄金魚符調發軍馬其捉馬及傳命有  
銀牌二百軍所舍有遠探欄子馬以夜聽人馬之聲凡  
舉兵帝率番漢文武臣僚以青牛白馬祭告天地日神  
惟不拜月分命近臣告太祖以下諸陵及木葉山神乃  
詔諸道徵兵惟南北奚王東京渤海兵馬燕京統軍兵

馬雖奉詔未敢發兵必以聞上遣大將持金魚符合然後行始聞詔攢戶丁推戶力覈籍齊衆以待自十將以上次第點集軍馬器仗符至兵馬本司自領使者不得與唯再共點軍馬訖又以上聞量兵馬多少再命使充軍主與本司互相監督又請引五方旗鼓然後皇帝親點將校又選勲戚大臣充行營兵馬都統副都統都監各一人又選諸軍兵馬尤精銳者三萬人爲護駕軍又選驍勇三千人爲先鋒軍又選剽悍百人之上爲遠探

欄子軍以上各有將領又於諸軍每部量衆寡抽十人或五人合爲一隊別立將領以備勾取兵馬騰遞公事其南伐點兵多在幽州北千里鴛鴦泊及行竝取居庸關曹王峪白馬口古北口阿達摩口松亭關榆關等路將至平州幽州境又遣使分道催發不得久駐恐踐禾稼出兵不過九月還師不過十二月在路不得見僧尼喪服之人皇帝親征留親王一人在幽州權知軍國大事既入南界分爲三路廣信軍雄州霸州各一駕必由

中道兵馬都統護駕等軍皆從各路軍馬遇縣鎮即時  
攻擊若大州軍必先料其虛實可攻次第而後進兵沿  
途民居園囿桑柘必夷伐焚蕩至宋北京三路兵皆會  
以議攻取及退亦然三路軍馬前後左右有先鋒遠探  
欄子馬各十數人在先鋒前後二十餘里全副衣甲夜  
中每行十里或五里少駐下馬側聽有無人馬之聲有  
則擒之力不可敵飛報先鋒齊力攻擊如有大軍走報  
主帥敵中虛寔動必知之軍行當道州城防守堅固不

可攻擊引兵過之恐敵人出城邀阻乃圖射鼓譟詐爲  
攻擊敵方閉城固守前路無阻引兵進分兵抄截使隨  
處州城隔絕不通孤立無援所過大小州城至夜恐城  
中出兵突擊及與鄰州計會軍馬甲夜每城以騎兵百  
人去城門左右百餘步被甲執兵立馬以待兵出力不  
能加馳還勾集衆兵與戰左右官道斜徑山路河津夜  
中並遣兵巡守其打草穀家丁各衣甲持兵旋圍爲隊  
必先砍伐園林然後驅掠老幼運土木填濠塹攻城之

際必使先登矢石擣木併下止傷老幼又於本國州縣起漢人鄉兵萬人隨軍專伐園林填道路御寨及諸營壘唯用桑柘黎粟軍退縱火焚之敵軍既陣料其陣執小大山川形勢往回道路救援捷徑漕運所出各有以制之然後於陣四面列騎爲隊每隊五七百人十隊置一道十道當一面各有主帥最先一隊走馬大譟衝軍敵陣得利則諸隊齊進若未利引退第二隊繼之退者息馬飲水抄諸道皆然更退迭進敵陣不動亦不力戰

歷二三日待其困憊又令打草穀家丁馬施雙箒因風疾馳揚塵敵陣更互往來中既飢疲目不相覩可以取勝若陣南獲勝陣北失利主將在中無以知之則以本國四方山川爲號聲以相聞得相救應若帝不親征重臣統兵不下十五萬衆三路往還北京會兵進以九月退以十二月行事次第皆如之若春以正月秋以九月不命都統止遣騎兵六萬不許深入不攻城池不伐林木但於界外三百里內耗蕩生聚不令種養而已軍入



南界步騎車帳不循阡陌三道將領各一人率欄子馬  
各萬騎支散游奕百十里外更迭覘邏及暮以吹角爲  
號衆即頓舍環繞御帳自近及遠折木稍屈爲弓子鋪  
不設鎗營塹柵之備每軍行鼓三伐不問晝夜大衆齊  
發未遇大敵不乘戰馬俟近敵師乘新羈馬蹄有餘力  
成列不戰退則乘之多伏兵斷糧道冒夜舉火上風曳  
柴饋餉自賫散而復聚善戰能寒此兵之所以彊也

遼史卷三十四

遼史卷三十四考證

兵制搭鈎氈繖各一 按原本訛以鈎氈二字偏旁合  
爲鈍字今據通考改

遼史卷三十四考證

欽定四庫全書

遼史卷三十五

元中書右丞相總裁托克托等修

志第五

兵衛志中

御帳親軍

漢武帝多行幸之事置期門飲飛羽林之目天子始有親軍唐太宗加親勲翊千牛之衛布腹心之地防衛密

矣太祖宗室盛彊分德呼勒部爲二宮衛內虛經營四方未遑鳩集皇后舒魯氏居守之際摘番漢精銳爲舒新軍太宗並選天下精甲置諸爪牙爲皮室軍合騎五十萬國威壯矣

大帳皮室軍

太宗置凡三十萬騎

舒新軍

地皇后置二十萬騎

宮衛騎軍

太祖以德呼勒部受禪分本部爲五院六院統以皇族而親衛缺然乃立鄂爾多法裂州縣割戶丁彊幹弱枝詒謀嗣續世建宮衛入則居守出則扈從葬則因以守陵有兵事則五京二州各提轄司傳檄而集不待調發州縣部族十萬騎軍已立具矣恩意親洽兵甲犀利教練完習簡天下精銳聚之腹心之中懷舊者歲深增新者世盛此軍制之良者也

弘義宮

正丁一萬六千

番漢轉丁一萬四千

騎軍六千

長寧宮

正丁一萬四千

番漢轉丁一萬二千

騎軍五千



永興宮

正丁六千

番漢轉丁一萬四千

騎軍五千

積慶宮

正丁一萬

番漢轉丁一萬六千

騎軍八千

延昌宮

正丁二千

番漢轉丁六千

騎軍二千

彰愍宮

正丁一萬六千

番漢轉丁二萬

騎軍一萬

崇德宮

正丁一萬二千

番漢轉丁二萬

騎軍一萬

興聖宮

正丁二萬

番漢轉丁四萬

騎軍五千

延慶宮

正丁一萬四千

番漢轉丁二萬

騎軍一萬

太和宮

正丁二萬

番漢轉丁四萬

騎軍一萬五千

永昌宮

正丁一萬四千

番漢轉丁二萬

騎軍一萬

敦睦宮

正丁六千

番漢轉丁一萬

騎軍五千

文忠王府

正丁一萬

番漢轉丁一萬六千

騎軍一萬

十二宮一府自上京至南京總要之地各置提轄司重  
地每宮皆置內地一二而已太和永昌二宮宜與興聖  
延慶同舊史不見提轄司蓋闕文也

南京

弘義宮提轄司

長寧宮提轄司

永興宮提轄司

積慶宮提轄司

延昌宮提轄司

彰愍宮提轄司

崇德宮提轄司

興聖宮提轄司

延慶宮提轄司

敦睦宮提轄司

文忠王府提轄司

西京

弘義宮提轄司

長寧宮提轄司

永興宮提轄司

積慶宮提轄司



彰愍宮提轄司

崇德宮提轄司

延慶宮提轄司

文忠王府提轄司

奉聖州

弘義宮提轄司

長寧宮提轄司

永興宮提轄司

積慶宮提轄司

彰愍宮提轄司

崇德宮提轄司

興聖宮提轄司

延慶宮提轄司

文忠王府提轄司

平州

弘義宮提轄司

長寧宮提轄司

永興宮提轄司

積慶宮提轄司

延昌宮提轄司

彰愍宮提轄司

興聖宮提轄司

延慶宮提轄司

文忠王府提轄司

中京

延昌宮提轄司

文忠王府提轄司

上京

文忠王府提轄司

凡諸宮衛丁四十萬八千出騎軍十萬一千

大首領部族軍

遼親王大臣體國如家征伐之際往往置私甲以從王

事大者千餘騎小者數百人著籍皇府國有戎政量借  
三五千騎常留餘兵爲部族根本

太子軍

偉王軍

永康王軍

裕悅王軍

瑪達軍

烏雅軍

衆部族軍

衆部族分隸南北府守衛四邊各有司存具如左

北府凡二十八部

侍從宮帳

奚王府部

鎮南境

五院部

六院部

東北路招討司

威部

東北路統軍司

約羅部

伯特部

教拉部

南尅部

北尅部

圖魯部

珠展達魯噶部

河西部

西北路招討司

圖魯卜部

阿雅女直部

室韋部

西南路招討司



納喇部

烏庫哩部

納喇裕爾庫部

默古斯部

吉達部

龍奇特唐古部

和拉唐古部

黃龍府都部

烏延突厥部

阿雅突厥部

北唐古部

五國部

烏爾古德呼勒統軍司

達魯德呼勒部

威烏爾古部

北德呼勒部

南府凡一十六部

鎮駐西南境

伊實部

西南路招討司

丕勒部

達勒達德呼勒部

丕勒達魯噶部

伊德女直部

西北路招討司

卓特部

東北路統軍司

塔瑪布古德部

東北路女直兵馬司

伊實阿爾威部

東京都部署司

卓特阿爾威部

揚結部

實保部

哈準部

戍倒塌嶺

鄂博庫部

屯駐本境

薩拉噶部

南唐古部

色克圖部



遼史卷三十五

遼史卷三十五考證

大帳皮室軍三十萬騎舒新軍二十萬騎 按遼志皮

室兵約三萬騎舒新軍衆二萬與此異

彰愍宮 按通考作章敏宮

西京提轄司 按營衛志興聖宮提轄司四今見於南

京奉聖州平州而西京獨缺疑有脫文

東北路統軍司圖魯部 按圖魯營衛志作圖魯此處

原文作圖盧今畫一改

西南路招討司烏庫哩部 按烏庫哩營衛志作烏古  
涅刺此又作烏古刺今併改

東京都部署司 按原本于東京都部署司以下重出  
卓特部等六行考前文南府凡十六部芟除衍文數  
正符合今刪

遼史卷三十五考證



欽定四庫全書

史部  
遼史卷三十六  
九

詳校官庶吉士臣何道沖

給事中臣查善長覆勘

總校官編修臣朱銓

校對官編修臣祁韻士

謄錄監生臣李情

欽定四庫全書

遼史卷三十六

元中書右丞相總裁托克托等修

志第六

兵衛志下

五京鄉丁

遼建五京臨潢契丹故壤遼陽漢之遼東為渤海故  
國中京漢遼西地自唐以來契丹有之三京丁籍可

紀者二十二萬六千一百番漢轉戶為多析津大同故漢地籍丁八十萬六千七百契丹本戶多隸宮帳部族其餘番漢戶丁分隸者皆不與焉

太祖建皇都于臨潢府太宗定晉晉王石敬瑭來獻十六城乃定四京改皇都為上京有丁一十六萬七十二百

臨潢府

臨潢縣丁七千

長泰縣丁八千

保和縣丁六千

定霸縣丁六千

宣化縣丁四千

潞縣丁六千

易俗縣丁一千五百

遷遼縣丁一千五百

祖州

長霸縣丁四千

咸寧縣丁二千

越王城丁二千

懷州

扶餘縣丁三千

顯理縣丁二千

慶州

玄德縣丁一萬二千

泰州

興國縣丁一千四百

長春州

長春縣丁四千

烏州

愛民縣丁二千

永州

長寧縣丁九千

義豐縣丁三千

慈仁縣丁八百

儀坤州

廣義縣丁五千

龍化州

龍化縣丁二千

降聖州

永安縣丁一千五百

饒州

長樂縣丁八千

臨河縣丁二千

安民縣丁二千

頭下徽州丁二萬

咸州丁八千

懿州丁八千

渭州丁二千



原州丁一千

壕州丁一萬二千

福州丁五百

橫州丁四百

鳳州丁一千

遂州丁一千

豐州丁一千

順州丁二千

閭州丁二千

松山州丁一千

豫州丁一千

寧州丁六百

東京本渤海以其地建南京遼陽府統縣六轄軍府州  
城二十六有丁四萬一千四百天顯十三年太宗改為  
東京

遼陽府

遼陽縣丁三千

仙鄉縣丁三千

鶴野縣丁二千四百

析木縣丁二千

紫蒙縣丁二千

興遼縣丁二千

開州

開遠縣丁二千

鹽州丁五百

穆州丁五百

賀州丁五百

定州

定東縣丁一千六百

保州

來遠縣丁二千

辰州丁四千

廬州丁五百

鐵州丁二千

興州丁三千

湯州丁七百

崇州丁一千

海州丁三千

耀州丁一千二百

嬭州丁七百

涿州丁四千

桓州丁一千

豐州丁五百

正州丁七百

慕州丁三百

南京析津府統縣十轄軍府州城九有丁五十六萬六千

析津府

析津縣丁四萬

宛平縣丁四萬四千

昌平縣丁一萬四千

良鄉縣丁一萬四千

潞縣一萬一千

安次縣丁二萬四千

武清縣丁二萬

永清縣丁一萬

香河縣丁一萬四千

玉河縣丁二千

灤陰縣丁一萬

順州

懷柔縣丁一萬

檀州

密雲縣丁一萬

行唐縣丁六千



涿州

范陽縣丁二萬

固安縣丁二萬

新城縣丁二萬

歸義縣丁八萬

易州

易縣丁五萬

淶水縣丁五萬四千

容城縣丁一萬

薊州

漁陽縣丁八千

三河縣丁六千

玉田縣丁六千

平州

盧龍縣丁一萬四千

安嘉縣丁一萬

望都縣丁六千

灤州

義豐縣丁八千

馬城縣丁六千

石城縣丁六千

營州

廣寧縣丁六千

景州

遵化縣丁六千

西京大同府統縣七轄軍府州城十七有丁三十二萬二千七百

大同府

大同縣丁二萬

雲中縣丁二萬

天成縣丁一萬

長青縣丁八千

奉義縣丁六千

懷仁縣丁六千

懷安縣丁六千

弘州

永寧縣丁二萬

順聖縣丁六千

德州

宣德縣丁六千

豐州

富民縣丁二千四百

振武縣鄉兵三百

奉聖州

永興縣丁一萬六千

礮山縣丁六千

龍門縣丁八千

望雲縣丁二千

歸化州

文德縣丁二萬

汧州

懷來縣丁六千

儒州

縉山縣丁一萬

蔚州

靈仙縣丁四萬

定安縣丁二萬

飛狐縣丁一萬

靈丘縣丁六千

廣陵縣丁六千

應州

金城縣丁一萬六千

渾源縣丁一萬

河陰縣丁六千



朔州

鄆陽縣丁八千

寧遠縣丁四千

馬邑縣丁六千

金肅軍防秋兵一千

武州

神武縣丁一萬

河清軍防秋兵一千

聖宗統和二十三年城七金山建大定府號中京統縣  
九轄軍府州城二十三草創未定丁籍莫考可見者一  
縣

高州

三韓縣丁一萬

大約五京民丁可見者一百一十萬七千三百為鄉兵

屬國軍

遼屬國可紀者五十有九朝貢無常有事則遣使徵兵

或下詔專征不從者討之助軍衆寡各從其便無常額又有圖伯特國者興宗重熙十七年乞以兵助攻夏國詔不許

吐谷渾

鐵驪

靺鞨

烏舍

黑車子室韋

西奚

東部奚

烏馬山奚

錫爾丹

突厥

党項

小番

沙陀

準布

烏爾古

索歡納

呼穆蘇山番

波斯

大食

甘州回鶻

新羅

烏孫

燉煌

埒里

約囉

回鶻

哈噶斯

吐蕃

黃室韋

小黃室韋

大黃室韋

阿爾斯蘭回鶻

于闐

師子

北女直

河西党項

南京女直

沙州燉煌

哈斯罕

沙州回鶻

察濟台

博囉滿達勒

富珠哩

大番

高昌

輝發



伯哩

達勒達

博索摩

德呼勒

年布爾吉

默爾吉

額圖格爾

布古德

和州回鶻

烏梁海

高麗

西夏

女直

遼之為國隣於梁唐晉漢周宋晉以恩故始則父子一家終則寇讐相攻梁唐周隱然一敵國宋唯太宗征北漢遼不能挾餘多敗衄縱得亦不償失良由石晉獻土

中國失五關之故然也高麗小邦屢喪遼兵非以險阻足恃故歟西夏彈丸之地南敗宋東抗遼雖西北士馬雄勁元昊諒祚智勇過人能使党項準布掣肘大國蓋亦襟山帶河有以助其勢耳雖然宋久失地利而舊志言兵唯以敵宋為務踰三關聚議北京猶不敢輕進豈不以大河在前三鎮在後臨事好謀之審不容不然歟二帳十二宮一府五京有兵一百六十四萬二千八百宮丁大首領諸部族中京頭下等州屬國之衆皆不與

馬不輕用之所以長世

邊境戍兵

又得高麗大遼事跡載東境戍兵以備高麗女直等國  
見其守國規模布置簡要舉一可知三邊矣

東京至鴨渌西北峰為界

黃龍府正兵五千

咸州正兵一千

東京沿女直界至鴨渌江

軍堡凡七十各守軍二十人計正兵一千四百  
來遠城宣義軍營八

太子營正兵三百

大營正兵六百

蒲州營正兵二百

新營正兵五百

加陀營正兵三百

王海營正兵三百

柳白營正兵四百

沃野營正兵一千

神虎軍城正兵一萬太康十年置

右一府一州二城七十堡八營計正兵二萬二千

遼史卷三十六

遼史卷三十六考證

臨潢府宣化縣丁四千 按地理志宣化縣戶四千今

丁數亦係四千考史文前後無一戶一丁者恐誤

臨潢府 按地志臨潢所屬尚有渤海興仁二縣兵衛志不載丁數其他州府屬縣未載者尚多蓋或係後來析置或丁籍散失史不能詳也

慶州玄德縣 按原本訛玄寧今據地理志改

鳳州丁一千 按地理志鳳州戶四千丁數不應僅止



一千疑誤

東京遼陽府統縣六轄軍府州城二十六有丁四萬一  
千四百 按地理志遼陽府統縣九轄軍府州城八  
十七此作統縣六轄軍府州城二十六蓋僅據丁籍  
可見者而二十六之數又復不符其所載丁數與下  
文總計亦不合

興州丁三千 按地理志興州戶二百丁數不應至三  
千之多疑誤

南京析津府統縣十 按地理志析津府統縣十一此  
云十誤也其丁數亦與下文不合

涿州歸義縣丁八萬 按地理志歸義縣戶四千丁數  
亦不應至八萬之多疑誤

大同府天成縣 按原本訛天域今據地理志改  
邊境戍兵計正兵二萬二千 按上文所載正兵數止  
二萬一千

遼史卷三十六考證